

**Maki Nalua Naña Pol
Siria Pa Pan
TIMOTE
Visayuena Na Tusi Nene**

Suniena plas na tusi nini

Maki na lua nene naña Pol siri pan Timote, ana pulen visena wo lala na iilaen Timote naña kiena erau viu naña sumã miila naga. Sitomena keviu naña sike e maki nini, Pol pisa pan Timote sape sumãlu m̃arera vena visawal lologena wo kiena Yesu Kristo. A pisa pania sape naga monar uarar vianiena lelaga na lologena wo, a na Tusi Marua. Naga pisa pan Timote sape monar kila luwe ga yumãena na vianen yaru lala, a vena kila yumãena na wereen yaru lala, pe suri korenaga visae yaru la avisakare naga pona avisakare yumãena na sumãre naña naga sumã kila ke ne.

Pol pisa pan Timote vena ve va sikol re naga e visena wowe lala a visena na veveyuena naña tařatete kila suri wo tai, ana vena kila kareen ga yaru lala.

E maki m̃enaga nini Pol pisa pan Timote sape taveve řalaga wo la sa naña naga kila ke ne e kiena maliena. Nanene řelaga kiena Pol sa naña mlelaga m̃arera, a kiena sitomiena piyavi, a sinen si yaru lala, a kiena řelaga naña pa řarpoyo e pogos m̃arera lala naña yaru la akila miloge piowa e tasnena, ana naga pe paruru re

poli, suũa pisawal luwen ga lologena wo kiena Yesu Kristo.

Komņasnen tusi la na nini

Visena þesa 1:1-2

Pol mieluar Ntewa vanon Timote ana pian

Timote 1:3—2:13

Pol mila visena na iilaen maliena kiena Timote
2:14—4:5

Pol pisayu naga amio kiena yuũaena 4:6-18

Visena maro kiena Pol 4:19-22

Visena þesia

¹ Naruu Timote, in Pol naþa nesiri mĩak nini piũasu pan ko, naþa nasinenanena kiena ne Ntewa ga naga pisirlua inu nepim nepe nalogena kiena Kristo Yesu. Kristo Yesu naga pe purþes nen malena naþa Ntewa pisaar pan la naþa amlelaga pania.

² Timote, kiau leniena nesape yoko Ntewa Arimata a kieta Suþe Yesu Kristo, lalua aligan pupia lemamiena, sineyeena, a suũaarena su lue ga pun ko.

Visena na potena pa Ntewa

³ Sa naþa kau apua lala ataveve nanua rui pimi, in na nomĩareran lue ga kilaen yuũaena kiena ne Ntewa, a in na nesuũa noþikeyon naþa nelotun naga amio losineu wetelu. Ana legiena a lemalo, e pogos na leniena lala, nesitomĩal ko mĩaga, nesuũa nepisa lue ga potena paþisi pania vanon ko.

⁴ Nesuũa nesitoũal ke wamaraũa lala nalo-geen viowa, ana kila narui sineun manene paũisi naũa neiũasu neũalavin ko sina. Visae nevisu sina ga maramũa, yoko neloge wo na neloge wo!

⁵ Nesuũa nesitoũal mũena ga kioũa navi-awaena lelaga, naũa nanua se koũa apua naũa sira marua Lois, siraunia se koũa mũamũa naũa Yunis, a sa naũa nepisu kilale rui, nagane sike e ko.

⁶ Naga ke narui nesuũa nesitoũal mũena ga nalaena naũa Ntewa mla pan ko, pogos naũa nupu ẽarumũa nemlotuwo ko. Sineun nesape nevisa van ko sanini, ve otamũan re kapi na nalaena nene vito tano, ana monar osumũa okila lue ga vivaga ruru silaga.

⁷ Monar ositoũal Ninuna naũa Ntewa mla pan ita, naga pe ninuna re naũa na maraunen yaru poli, ana naga pe Ninuna na mũareraena, pe Ninuna na sitomena, a pe Ninuna naũa kila yaru kawe ruru kiena malena.

⁸ Visae lelaga kemua naũa Ninuna ke nanene narui sike e kioũa malena, monar ve omawan re visawalen lologena wo kiena Suũa va yar lala, pona monar ve omawan re naũa ovisawal va yaru lala ovisave lelaga sane ko na ope kiau erau wo tai. A amliganin nesike e yuũa naloge viowaena vanon kiena yuũaena, ana pe pon re omawan inu vanon sur nene poli. Kioũa suria naũa yoko okila, monar okekaran ove ẽegas omio inu e naloge viowaena vanon Lologena Wo, vano tol naũa mũareraena kiena ne Ntewa kila ko otorokin oyumũaenia.

⁹ Ntewa ke narui, naña naga tamalia ga ita luwoka rui, a pio ita ga luwoka teyaloro e mrapa na kiena malena wa, ana silaga kilia iila ita. Nanene pe vanon re ga naña italua tekila kiena yuññaena wo poli, pona italua tekila ya, ana naga kila ga molue kome kiena sitomena amio kiena lemamiena wo pan ita. Kiena lemamiena nena, naga kila ruruia, mligan ruruia sike amio Kristo Yesu nanua sumo rui, sumon naña siar kieta pogos ita yeririna lala na yomarava.

¹⁰ Ana lemamiena nene suña sanene pano-o tol nagane towe ga, naña mñalivi mare ga e yomarava naña kate e marata kome kieta nataliaena Kristo Yesu. Naga pitomi e yomarava, kila make namareraena na marena pimi pe sur korena ga tai, a kiena nalologena wo kila naña nagane tesike e yomarava nini wa, tekilia telual malena wo. Ana naga kila mña naña siraunia, yoko tekilia teva loyuma e malena naña tañatete pñisi pogos tai.

¹¹ Lollogena wo nena, naga ke narui naña Ntewa pisirlua inunia nepe kana navisawalena nena, nepe kana nalologonena nena, nepe kana navianena mña ga.

¹² Kiau yuññaena nena nane kila nepane ke pogos mñarera lala loyuma e yuñña naloge viowaena nini vanonia, ana pogaga naña, pe pe sur re tai pan inu poli. Pe nemawa re poli, komin nekilia nesape yar naña nemlelaga ea, naga pe lelaga, kiau nalelagaena ea mñarera ruru po pañisi sane ya naña nemligan e limana, yoko uarar ruru

m̃arera sum̃a ga vano-o tol Legiena maro.

¹³ Sanini Timote, nesape nevisa van ko sanini, monar otaveve ruru mrapa na visena mesmesu lala naṓa nemla pan ko, monar osum̃alu m̃arera e Yesu Kristo silaga, a monar oligan ruru kiena sinesiena sum̃a ule e kiom̃a malena.

¹⁴ Ninuna Wa sum̃a kokonia ruru losineta, ana ve oligan re navisa ruruena la naṓa naga mligan ruru sike e kiom̃a malena rui, ana oloun ruruia.

Pol pisayu Onesiporas

¹⁵ Nekilia nesape omloge lologena viowa tai rui, naṓa asape li na lelagaena lala nae pupia lepas naṓa Esia, apilon m̃asila pan inu rui, a la nene amio m̃ena kieta erau lua naṓa Paekelus amio Emosenisi.

¹⁶ Ana kieta wolai wo naṓa Onesiporas, naga kila po paṓisi. Pe sur korena ga naṓa apiar inu e sen lala loyuma e yuma naloge viowaena nini, ana naga pe mawan re naṓa imi katen inu poli, ana nemlen pa Suṓe vena visa ruru naga ve keviu amio kiena namratava lala.

¹⁷ Naga pimi m̃aliv Rom nini, pe yam piavi re nenaga naga piyon naṓa sape lual inu, pano-o pimi tol inu e yo nene.

¹⁸ Naga sum̃a kila manene ke sina ga suri wo la paṓisi pan inu e Rom nini, sa ke ga naṓa miila ruru inu sumo rui pogos naṓa nesike gar Episas nanua ne, sa naṓa kam na akilia ruru rui. Naga po pan inu sanene, nemlelaga nesape yoko Ntewa sinen ye ruru nena naga e legiena maro.

2

Yaru na mara kiena Yesu monar war naloge viowaena

¹ Naruu Timote, nesape nevisa van ko sanini, popon ola lemamiēna kiena Kristo Yesu ve keviu e kioṃṃa malena, ana yoko okilia oṃarera ruru wo vena osuṃalu osulue.

² Yam moki rui naṃa omiagogon kiau visena lala naṃa nepisawal ke e maran yeririna lala, ana monar olual yar laṃasia naṃa auarar ruru yuṃaena, ola visena la nene van la, ana siraunia, la ṃena ga akilia avian liluen la vano tol yeririna taṃena lala.

³ Ita yar na kilaen mara lala kiena ne Kristo Yesu, yoko ita veve taaga monar kieta pogos na lualen pog ṃarera la sike ne. Ana visae nagane kioṃṃa pogos narui, monar ola ga ve sa naṃa kioṃṃa lepas na yuṃaena tai.

⁴ Ositom ruruli yar na mara lala. Kiela yuṃaena monar akila kare ṃareraen na sinekar kiena ne kiela yerkawa vito tano, ana pe asikol la re amio yuṃaen kar la poli, sa naṃa yar taṃena la asuṃa amiyuṃaen ke ne.

⁵ A monar ositomyuli ṃena yaru viu la naṃa akila kiriena. La aṃareran ke naṃa atauluia, vena atol kiela nalaena tai, ana visae akilaro navisaluaena na kiriena, yoko akila plan la, taṃatete atol sur tai ṃisa.

⁶ A ositoṃal ṃena yaru na yuṃaenen lokove lala. Yar na ṃareran yuṃaenen lokove mapila ve moki, nane yar ne nane popon war kinanena ea.

⁷ Sur la ne nesuñña nepisa ke ne, visae ositom ruru la, yoko Suñe iila ko vena otol kiena manmaruaena wo lala a kiena kiliaena lala ea.

Popon yar na lelagaena la asuñña asitoñal luega Yesu

⁸ Naga naña yoko ositom manene laa naga, nane Yesu Kristo. Naga paeme e yomarava molue kome lus kiena yermarua Parin Suñe Tepet, a siraunia, añemñar naga, ana naga mal sina sa naña Lollogena Wo pisa. Nane Lollogena Wo ne nane nemlologon ke ne,

⁹ a nane Lollogena Wo naña netol pupia kana naloge viowaena e yo nene, naña kila narui nagane apiar tasneu la wetelu e pototo, sa naña in na yar viowa na kilaroen navisaluaena. Ana sur tai naña yar la tañatete aviaria, nane visena wa kiena ne Ntewa, komin momolue ke ga wa tañatete avisaluñaria.

¹⁰ In na nesuñña sineu miye manene yeririna la naña Ntewa mligan plan la vena nekila la atol malena kome Kristo Yesu. A sitomen ne na nene narui kila sane pog mñarera ya naña nokom ea, ana in na nesuñña nakawean inun ga vena nekila make suria, vena la mñena ga akilia atol naurarena nae ma e peni naña tañatete ñisi pogos tai.

¹¹ Yauena tai pisayu sur nene, kana visena ne lala lelaga pañisi, naña pisa sanini, sape
“Visae teva e marena temio naga, yoko temal temio naga.

- 12 Visae tesuñal ñarera e pogos ñarera, yoko teve suñen yo temio naga. Visae tevilon ñasita vania, yoko naga ligan ita,
- 13 ana visae tekila pal naña teloru, yoko naga tarar ita ñarera suña ga, komin naga kuslua ita tepe kiena, ana naga tañatete visokan, tañatete si kovenlua ita.”

Yaru wo na yuñena kiena ne Ntewa monar uarar ñareran visena lelaga

14 Nalelagaena la ne asike ne, monar osuña ovian la ñaga vena ve sinela ñesan re sur la nene. A monar ovis ñarera van la ovisave e kia kiena ne Ntewa, ve aveveyun la re. Apepeyun ke kinas nen visen la sane asuña akila ke ne, pe akila re sur wo tai poli, a pe amiila re nena la tañena naña asuña amiagogon ke poli.

15 Sur wo ya la naña okilia okila sane yaru wo tai na yuñena kiena ne Ntewa, monar okila make ga vena wo vañisi e kiena navisuena. Visae okila wo ve sanene narui, yoko tañatete omawan mras naña kionña yuñena waria, a okilia oim ove yar na vianen visena lelaga lala kiena ne Ntewa va yaru lala mesmesu a wo.

16 Ovisuar ruru e visena korena la naña yar la asuña apisayu kare ke ne. Visena la ne sanene pe nasuen re e sitomena kiena lelagaena la poli, komin naña akilia aure la ava manene laa e ñelaga naña Ntewa pe sinenan re poli. Popon ve ova re lavisin yar la naña akila ke sanene,

17 komin visena kien la nene sa naŭa magka wa tai, naŭa kar ke tas nen yaru taŭatete imi wo pogos tai.

Nepisu sane monar nevisa sane lalua nene Aemeneas amio Paelitas, lalua sa towe m̃a nene rui,

18 komin naŭa apur matan mrapa na visen lelaga, asum̃a amlologon ke kiela lelagaena tai naŭa pe pe lelaga re nenaga. La asum̃a apisasa ke asape e luas nen yomerava, nasum̃alen si e marena na peraga, komin e kiela sitomena, asitom asape Ntewa kila ke rui, nane e pogos naŭa naga miyum̃ae e kieta malena. Ana pogos naŭa amlologon ke kiela visokanena nene, asum̃a akila kare ke lelagaena kiena yeririna la moki, kila narui kiela sitomena pimi peve lua sina.

19 Ana ko m̃ena ga monar ve sinem̃a kurkur re, komin yum̃a naŭa Ntewa sum̃a miyum̃aenia, miasin namaplarena la nene sum̃al m̃arera ruru sum̃a ga. Visena lala e siriena wa kiena ne Ntewa sike ne naŭa torokin e lepas nene, a tai pisa sanini, sape

“Ntewa kilia ruru po paŭisi a la naŭa ape kiena yeririna lelaga.”

A nalua nena, pisa sanini, sape

“Yaru naŭa mla kia kiena Suŭe teke e kiena malena,

naga monar ligan ŭelaga lala na mrapa nakilaen mlamulena viowa.”

20 Ositomyuli pupia yum̃a m̃ana yar na sur moki lala. Loyum̃a e yum̃a la nene, tekilia tevisu pias nen sur na kinanena lala, naŭa

laḗasa, amiyuḗaen e kol pona selpa, a laḗasa, amiyuḗaen ga e porotano pona e laki. La naḗa apisu sane po, asuḗa apio kinanena pa ea, e kiela pupia ḗaḗagena kerkeviu lala, ana laḗasa, asuḗa akinan kai ga ea.

²¹ A ita yeririna lala ita maran taaga sa ke ga nene. Yar naḗa kila kiena malena merarava ruru po, a pe wa, a pe kila re yuḗaena viowa la poli, yoko kiena yerkawa were naga kila kiena yuḗaena wo la ve moki e maran yar lala.

²² Visae sinomḗan osape ko ove sanene, monar ovisa luḗar kioḗa naninuena ḗarera lala a nasinenanena viowa lala naḗa sitomena kiena ḗee lala kilia ulenia. Monar oḗionli naḗa kioḗa sitomena ulen nawoena, a viawaena, a sinesiena, a suḗarena, ana sanene yoko wo vaḗisi van ko omio taḗena la naḗa kiamiu sitomen taaga, naḗa asuḗa amlen ke pa Suḗe vanon kiena naiilaena.

²³ Yam mokliu, yar la akilia aveveyu vaḗisi van la komin sur wowe lala pona kiela sitomena kar lala, sa naḗa pe akilia re suri tai poli. Pogos tai veveyuen la nene va ḗaga tol naḗa asulania, akilia aliḗerela sina, ana ko na pe pon re ova loyuḗa e visen la ne sanene poli.

²⁴ Yar nayuḗaena kiena kieta Suḗe, naga monar ve sinena kar re yar taḗena lala, ana naga monar visuar ruru la, monar kilia ruru mrapa na vian malumunlaena. Naga monar ve sinen mimi re vilaga, ana kiena sitomena ve piavi ruru wo van la.

²⁵ Pona pogos tai laḗas ve aloge re naga yo, yepel mavinia, ana visae kilali naḗa were ruru kiela sitomena, ana naga monar malum ga van

la. E mrapa ne nanene pona Ntewa yoko kilia la narin pogos tai van la vena vilonen kiela sitomena, vena atol kiena visena lelaga.

²⁶ La ne sanene, Yermare suña p̄uarar ruru la ke rui, suña m̄areran la ke vena akila ya naña naga sinenania. Ana visae akilia atol maran si kiela kiliaena wo, yoko akilia aure vetan kiena pova a kiena visokanena lala.

3

Pelaga na p̄arm̄arera lala na legiena maro

¹ Timote, monar ve sineta p̄esan re sane e legiena maro la nini, yoko monar pog m̄arera la ve moki aimi añaliv.

² Monar ve sa nene narui, komin naña e pogos nene yoko p̄elaga kiena yar lala va viowa manene laa. E pogos nene, yoko ave sanini:

yoko ave yaru na sitoñal laen ga,
 yoko asitom manene ga kilavaru,
 yoko avilave a awarwarla vañisi,
 yoko ave yar na veveyuena,
 yoko tañatete alogear visena kiena kiela yer-
 marua lala,

yoko tañatete nena avisa potena e sur tai,
 yoko asitom korenan ga sur wa lala,

³ yoko tañatete awo van yaru tañena,
 yoko ave p̄arm̄arera vañisi,

yoko aviueli a avisa kare sur wo lala,
 yoko sinela kar yaru lala, asu la,

yoko yepel mavin sur wo lala,

⁴ yoko avisa kotalia kiela erau lala,
 yoko ve asitom re suri tai,

yoko asitom asape la ga na apo,
yoko ve sinela si re Ntewa, ana sinela si ga
malena wo ya naþa la sinelania,

⁵ a visae akilali naþa auarar towe laa narin
yumãena na sumãare lala, ana na nene e ga
e kulusa, komin naþa kiela malena pisawal
ruru rui sape m̃areraena lelaga na lelagaena
e Ntewa pe to re nena e la poli.

Nane þelaga na malena kiena yaru na legiena
maro lala, a monar ve osu re lavisin la.

⁶ Sineu miye m̃ena sira la nene paþisi wa naþa
navianena navisokanen lala asumãa ateteliv ke
m̃ala umãa lala. Sira la nene laþasa asumãa aþar
ke urmiena namlamulen viowa rui, a laþasa
sitomen taþena la sike e la, kila sane visae yar la
aimi vinau sanene, ana sira la nene ameu paþisi,
pe puriula re si naþa avisaluþar la poli.

⁷ Ya naþa yar la nene apisa, ana amlelaga ga
narui, akila m̃a sanene pano-o ana pe atol ruru
re kiliaena napo poli e visen lelaga kiena ne
Ntewa.

⁸ Yar la ne apivim ke sanene, nepisu la sane
ape nasinekar kiena ne visena lelaga napo, sane
e pogos kiena ne yermarua Mosis nanua sumo,
lalua naþa Sanes amio Sampres, apim apian kare
sitomena kien yar la moki. Yumãena ne nanene
yar la nene asumãa akila ke na wa, naþa kiela
sitomena la pilolon kare pa piowa, pe apuarar
re si kieta viawaena poli, ana apurmatan apa e
taþena.

⁹ Ya naþa la akila naga piowa manene laa, ana
pogos na waren kana nakoena nena yoko imi
m̃aliv pogos tai na wa, sa naþa m̃alivin lalua

na nepisa ga na wa. Pogos tai, amilan ga kiela visokanena kate ga yometava, ana yar la apisu kilalea.

Pelaga wo lala kiena ne Pol

¹⁰ Timote, tesu lele taaga nakonua rui, ana nekilia nesape ko na opisuveve inu po pañisi. Okilia inu sanene, naña

okilia ruru ya naña nepian ke pan yar la ea,
 okilia ruru kiau ñelaga,
 okilia ruru ya naña sineun nesape neyuñaen
 e kiau malena,
 opisu kiau viawaena e Kristo keviu sanape,
 okilia ke osape kiau sitomena piavi,
 opisu ke sinesiena naña teke e inu pa yar
 tañena keviu,
 okilia ke osape pog mñarera ya naña pimi pan
 inu, ana nesuñalu ga,

¹¹ okilia ruru napiowaena la naña kiau nasinekar la akila pan inu, sane e pupia kumali telu nene, Antiok, Aekoniam amio Listra,
 a okilia ke yepe lalaea naña noñaria e limala e pogos la nene.

Naloge viowaena la nene añarera pañisi, ana nakawean inu ga pano-o noñal naña Suñe pimi ñerelua inu e napiowaena make la nene.

¹² Ee, ita punu ga naña sinetan Kristo Yesu se ita, pona telual malena wo temio, monar tekilia tesape yoko towar naloge viowaena e yar tañena lala.

¹³ Nanene na pogaga, ana naloge viowaena taņena sike ga wa naga piowa ga, naņa yaru viowa lala amio yar navisokanena yoko awaria. Nagane asumņa akila manene ke piowa rui, a yoko akila mņa viowa sanene vano vano-o viowa manene la, vano vano viowa naņa viowa.

¹⁴ Ana ko Timote, okila ga omio kiliaena wo la naņa otol rui, ana oyumņae va sanene omio lelagaena wo la naņa opiawa ruru mņarera e rui. Ve sinemņa pņesan re sane imimi ai naņa mepian ko,

¹⁵ siar e pogos naņa ove tokak ke ga wa gar moņa, pimi tol nagane, ana kila sa naņa okilia ruru Tusi Wa, naņa kilologia mrapa na tamaliaena kiena yar naņa mlelaga e Kristo Yesu.

¹⁶ Siriena Wa la nene, Ninuna ne Ntewa sike e la, ana akilia aiila ita ve keviu vano-o vaņisi. Avian ruru ita, aweņeņe sineta, akawe ruru kieta pņelaga, a akila kieta malena wo nenaga,

¹⁷ vano vano-o ita yeririna lala kiena ne Ntewa teim towo a tetorokin nakilaena kiena yumņaena wo lala.

4

Pol miilaar Timote

¹ Timote, sane italua tesike e marana Ntewa, a e kia kiena Kristo Yesu, nepiun tan ko nesape owarar ruru sur laņasa naņa sineun nesape nevisa van ko. Italua tekilia tesape kieta Suņe yoko liņere la naņa amarmare rui amio la naņa amali, a italua tesumņa tesitom ke urmi paņisi e kiena nawasuņeena sina, amio kiena

nasuñenena naña yoko naga visirlua, ana monar ologe ruru visena la nene.

² Ya naña yoko okila na ve sanini, monar ologon Visena Wa silaga. Visae pog wo pona pog viowa, ana monar osuñalu ñarera vena visawalena, monar oñion tauluen yeririna lala, monar oure ruru la naña akom ke e mrapa tañena, a monar oiilaar yaru la naña amlelaga.

A pogos naña okila yuñena la nene, silaga kioña sitomena monar ve piavi ruruia, a ve sineña maren re vian laena.

³ Pogos la ne pimi ke ne yoko yeririna la yepela mavin vianen wo lala, ana yoko kiligala lala vikiraran sitomen kar lala, a yoko asuñ aure navianena la ve moki naña asitom ke asape yoko akilia avisa sur wo lala vena kilaen alogewonia.

⁴ Yoko aligan logeen visen lelaga, a yoko akila pal mrapa ava ataveve suniena lala naña yar ga la akila.

⁵ Ana ko na ve ove sa re nene, ana okila ga kioña sitomena va ruru suña ga, okawean ko e pogos ñarera lala, okila kioña yuñena na lologonen Lologena Wo, a oyumae taveve ya naña Ntewa pio kon sape oyumäenia.

Pol pisu sape lavisi aweñar naga narui

⁶ E lepas naña pun inu, nemloge sane nagane nepim ke lavisin luas narui, nepimi ke e lele tai naña yoko monar nokuñapain kiau malena vanon Lologena Wo narui. Ee, nepisu sane kiau pogos na liganen yo pimi ke lavis narui.

⁷ Ana pogaga, komin naña nekilia sane nekila mara, noñaryon ñarera po; nekiriri, nekila

make nenaga; a nopuarar lelagaena, pe nemligan li re pogos tai poli.

⁸ Yar napo lala kiena ne Suře yoko atol karo wa na řarila, a nesitom sane naga mligan ruru kiau sike ma e peni rui, vena yoko e ga e legiena maro ana la van inu.

E pogos nene, yoko naga liřere yaru make ga, a yoko naga la nalaena van ita make ga nařa kieta sitomena mřareran nařa tekrakravan kiena nawasuřeena.

Visena maro

⁹ Timote, sineun manene nesape owarlion nařa oyal kawa oim e nini.

¹⁰ Sineun ko pařisi, komin wolai nařa Timas, sur na yomarava la ařere kiena sitomena pano-o pure pa garu Tesalonaika. Kresens mřena ga pa garu Kalesia rui, a Taetas pe su re si amio inu poli, naga pito ke Telmesia.

¹¹ Erau ga tai sike amio inu nagane, nane Luk. Ana visae okilia olual Mak, yoko oure naga imi amio ko, komin nařa nepisu naga sumřa miila inu keviu pařisi e yumřaena kiena Suře nařa sineun nesape nekila.

¹² Taekikas, nepitetalia naga pa garu Episas rui.

¹³ Yoko nevisa kiau sur lařasa, sanini pogos nařa ovam e nini, yoko owarar la avami. Mau kulkota na miava, nemligan mřeke puna Karřas pogos nařa nesike gar Troas, a kiau tus lala amio

4:10 Kolosi 4:14; Pilimon 1:24, 2Kor 8:23; Kal 2:3; Taetas 1:4 **4:11** Kolosi 4:14; Pilimon 1:24, Yumřaena 12:12,25, 13:13, 15:37-39; Kolosi 4:10; Pilimon 1:24 **4:12** Yumřaena 20:4; Epis 6:21,22; Kolosi 4:7,8 **4:13** Yumřaena 20:6

mñas nen tus lala, sineun nesape owarar sur la nene imi.

¹⁴ Okilia ke yar na yumāenen piaki naña AlikSanta, naga kila visena viowa la mok liu pan inu. Yoko Suņe ga visuvevea vena kila ya ne vania,

¹⁵ ana monar nekila mña okilia naña naga kawe manene ke kieta Lologena Wo, ana monar ovisuar ruru ko ea.

¹⁶ Yer kawa nae Rom lala apis pan inu kumali yam tai rui. E pogos nene, kiau erau taņena lala apureure make ga, pe la yar re tai naña pimi e lepasneu poli. Ana nanene na pogaga, popon sane Ntewa ve sinen karla re vanonia.

¹⁷ E poglis nene, Suņe ga naga taaga amio inu, ana nemloge sane naga mla pupia namāraena pan inu, ana nomāreran visawalen sur make ga na Lologena Wo e maran yeririna lala, kila narui pegas nen la naña pe amlelaga re e Ntewa poli amloge. E pogos nene, lelaga, nesike pae e logon laion rui, ana naga p̄erelua in sina petania.

¹⁸ Nemninue narui aña nelual naviowaena ya ne yoko nevan ea, ana nemligan inu e limana Suņe, nesape yoko naga tamalia inu vena nesike nemio e kiena yo wo ma e peni, a silaga yoko nelasuņe si naurarena la vania, vano vano-o ve uro re, sanene.

¹⁹ Sur si laņasa navisaena, awis ovisa pokolu-lagi pona pokolemalo va sira nene Prisila amio wona Akwila, a va mña namratava puna ne Onesiporas.

²⁰ Erastas pe pam re si e nini poli, sike ga Koren, a pogos naña mepam, metol yo Maelitas, ana Tropimas mai, nemligan naga sike e yo nene.

²¹ Timote, sineun manene pañisi nesape monar okilayonli ovam e nini vilaga, komin pogos na miava pimi ke lavis narui.

La ne e nini asape nevisawal van ko, la asape asitom ko pañisi, nane Yupulus, Putensa, Linas, Klotia, amio erau tañena lala.

²² Noñisi e nene narui, nesape Suñe sike amio ninuña, kiena lemamienna sike amio amiu make ga.

Inu, Pol.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 28 Dec 2024 from source files dated 31 Aug 2023

ee028e1c-7e53-571d-8041-681daaf580e8